



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

59. Exponi nobis nuper &c. Concessio Facultatis Magistro Generali Ordinis  
Prædicatorum erigendi in Sinarum Regnis unam pro Viris, & alteram pro  
Mulieribus Confraternitatem Sanctissimi Rosarii in ...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

ac de Omnipotentis Dei misericordiam, ac Beatorum Petri, & Pauli Apostolorum ejus autoritate confisi, omnibus, & singulis utriusque sexus Christianidelibus, verè penitentibus, & confessis, ac sacra Communione refectis, qui aliquam ex Ecclesiis quorumcumque Conventuum, Monasteriorum, & Domorum Regularium tam Fratrum, quam Monialium Ordinis prædicti hæcenus erectis, & in posterum quomodocumque erigendis, & ubicumque Locorum existentibus, die quinta Maii Festo ejusdem Sancti Pii à primis Vesperis usque ad occasum Solis Festi hujusmodi annis singulis devotè visitaverint, & ibi pro Christianorum Principum concordiam, hæresum extirpatione, ac S. Matris Ecclesiæ exaltatione piis ad Deum preces effuderint, quo die id egerint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris. Volumus autem, ut ipsarum præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides habeatur, quæ haberetur ipsis præsentibus, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die 13. Januarii MDCCXIII. Pontificatus Nostri Anno Decimo-tertio.

F. Oliverius.

LVIII.

## C O N C E S S I O

Facultatis Magistro Generali Ordinis Prædicatorum Antonino Cloche substituendi, quoad vixerit tantum, Vicarios Provinciales Missionariorum ejusdem Ordinis pro erectione Confraternitatum Sanctissimi Rosarii in Tunkini, ac Sinarum Regnis.

## C L E M E N S P A P A X I .

*Ad futuram rei memoriam.*

**E**Xponi nobis nuper fecit dilectus Filius Antoninus Cloche Magister Generalis Ordinis Fratrum Prædicatorum, quod cum dilecti pariter Filii Religiosi Missionarii dicti Ordinis in Tunkini, ac Sinarum Regnis ob devotionem Christianidelium utriusque sexus erga Sanctissimum Rosarium ab eo facultatem erigendi, seu fundandi in illis Ecclesiis Confraternitates ejusdem Sanctissimi Rosarii petissent, ipse Antoninus Magister Generalis, qui vigore facultatis sibi à Sede Apostolica attributæ per se ipsum tantum Confraternitates hujusmodi erigere, ac instituire potest, quò facilius, & quam citius pio eorumdem Missionariorum desiderio, attentè immensam illarum Provinciarum distantiam satisfacere, valeat, facultatem delegandi ad præmissum effectum Vicarios Provinciales dictorum Missionariorum immediatos Superiores sibi à Nobis concedi plurimum desiderat; Nobis propterea idem Antoninus Magister Generalis humiliter supplicari fecit, ut in præmissis opportunè providere, & ut infra, indulgere de benignitate Apostolicâ dignaremur. Nos igitur ipsum Antoninum Magistrum Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum series absolventes & absolutum fore

cententes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini Interpretum consilio, eidem Antonino Magistro Generali, quoad ipse vixerit dumtaxat, peccatam substituendi facultatem in supradictis Regnis præfatos Vicarios Provinciales ad præmissorum effectum autoritate Apostolica tenore præsentium concedimus: Ita tamen, ut ab eo Substituti, seu Deputati alios substituere, vel subdelegare non possint, & quotannis eundem Antoninum Magistrum Generalem de Confraternitatibus erectis certiorum reddere teneantur, ac salva semper in præmissis autoritate Congregationis eorumdem Cardinalium. Decernentes easdem præfatas literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari; Sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si secus super his à quocumque quavis autoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, nec non dicti Ordinis etiam juramento, confirmatione Apostolicâ, vel quavis firmitate aliâ roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis, illorum tenores præsentibus pro plenè, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hæc vice dumtaxat specialiter, & expressè derogamus, cæterisque contrariis quibuscumque. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in dignitate Ecclesiasticâ constitutæ munitis eadem prorsus fides in judicio, & extra adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud S. Petrum sub Annulo Piscatoris die xviii. Februarii MDCCXIII. Pontificatus Nostri Anno decimo-tertio.

F. Oliverius.

## C O N C E S S I O

LIX.

Facultatis Magistro Generali Ordinis Prædicatorum erigendi in Sinarum Regnis unam pro Viris, & alteram pro Mulieribus Confraternitatem Sanctissimi Rosarii in eodem Loco cum declaratione quod tam Viri, quam Mulieres ejusdem Sanctissimi Rosarii Indulgentiis in eorum respectivè Ecclesiis frui possint.

## C L E M E N S P A P A X I .

*Ad futuram rei memoriam.*

**E**Xponi nobis nuper fecit dilectus Filius Antoninus Cloche Magister Generalis Ordinis Fratrum Prædicatorum quod cum in Sinarum Regnis inviolabilis mos vigeat, quod Ecclesiæ Christianidelium, tam respectu situs, quam Mulierum, inter eas, & Viros distinguantur, ita ut nec Viri ad earundem Mulierum Ecclesias, nec prædictæ Mulieres ad illas Virorum accedere valeant, ipse Antoninus Magister Generalis, ne Mulieres hujusmodi à participatione Indulgentiarum Sanctissimi Rosarii cujus Confraternitates in Ecclesiis Virorum

erigi,

erigi, nullumque erectio à Constitutionibus Apostolicis in unâ dumtaxat Ecclesiâ cujuslibet Civitatis permitti solent, excludantur, eandem Indulgentias etiam ad Ecclesias prædictarum Mulierum, quarum non minor est erga eadem Sanctissimum Rosarium devotio, per Nos extendi plurimum desiderat; Nobis propterea humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur. Nos igitur ipsum Antonium Magistrum Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causâ latis, si quibus quomodolibet innotatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinatis, de Venerabilium Fratrum nostrorum S. R. E. Cardinalium Concilii Tridentini Interpretum consilio, eidem Antonino Magistro Generali, ac ei, quem ipse in illis Regionibus delegaverit, facultatem erigendi in eodem loco unam pro Viris, & alteram pro Mulieribus Confraternitatem Sanctissimi Rosarii, cum declaratione, quod tam viri, quam Mulieres eidem Sanctissimi Rosarii Indulgentiis in eorum respective Ecclesiis frui possint, & valeant, auctoritate Apostolica tenore præsentium concedimus, & indulgemus; Salvâ tamen semper in præmissis auctoritate Congregationis eorundem Cardinalium. Decernentes easdem præsentibus literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari; Sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, nec non dicti Ordinis etiam juramento, confirmatione Apostolica, vel quavis firmitate aliâ roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliâ in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque; Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides in judicio, & extra adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud S. Petrum sub Annulo Piscatoris die xxv. Februarii 1713. Pontificatus Nostri Anno decimotertio.

F. Oliverius.

DECLARATIO

Pro Confraternitatibus B. Mariæ Virginis de Monte Carmelo, quod in locis, ubi Processiones in unâ Dominicâ cujusque mensis peragi nequeunt, Confratres, & Consores eorundem Confraternitatum proprias Ecclesias visitando, & alia præscripta opera adimplendo statutis diebus, consuetas Indulgentias consequantur.

CLEMENS PAPA XI.

Ad perpetuam rei memoriam.

Exponi nobis nuper fecit dilectus Filius modernus Procurator Generalis Ordinis B. Mariæ Virginis de Monte Carmelo Excalceatorum nuncupatorum, quod alias felicis recordationis Paulus Papa V. Prædecessor noster inter alias Indulgentias, & peccatorum remissiones per eum Confratribus, & Consores Confraternitatum ejusdem Beatæ Mariæ Virginis de Monte Carmelo eatenus erectarum, & in posterum erigendarum concessas, omnibus, & singulis Confratribus eorundem Confraternitatum, qui verè penitentes, & confessi, ac sacra Communione resecti, Processioni in unâ Dominicâ cujuslibet mensis per dictos Confratres de Ordinarii licentiâ faciendæ devotè interfuissent, ibique orassent, septem annos, & totidem quadragenas, perpetuò concessit, & alias prout in ejusdem Pauli Prædecessoris desuper in simili formâ Brevis die xxx. Octobris MDCVI. expeditis literis, quarum tenore præsentibus pro inserto haberi volumus, uberius dicitur contineri. Cum autem, sicut eadem expositio subjungebat, Processiones hujusmodi in quibusdam Civitatibus, & locis ex certis causis fieri nequeant, Ipse verò modernus Procurator Generalis opportunè in præmissis per Nos provideri, & ut infra, indulgeri summopere desideret; Nos supplicationibus ejusdem moderni Procuratoris Generalis nomine Nobis super hoc humiliter porrectis inclinatis, omnibus, & singulis Confratribus, & Consores dictarum Confraternitatum tam hæcenus erectarum, quam in posterum ubique locorum erigendarum, ut ipsi in Civitatibus, & locis suprascriptis, in quibus ob dictas causas prædictis Dominicis Processiones hujusmodi fieri nequeunt, ut præfertur, in unâ ex Dominicis cujuslibet mensis Ecclesias, in quibus eorum Confraternitates erectæ reperiuntur, visitando, & alia pro consequendâ ipsâ Indulgentiâ septem annorum, & totidem quadragenarum requisita adimplendo, dictam Indulgentiam consequantur, quam consequerentur, si Processioni hujusmodi personaliter interessent, auctoritate Apostolica, tenore præsentium concedimus, & indulgemus. Non obstantibus nostrâ de non concedendis Indulgentiis ad instar, cæterisque contrariis quibuscumque. Præsentibus perpetuis futuris temporibus validis. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides habeatur, quæ præsentibus ipsis adhiberetur, si forent exhibitæ, vel ostensæ. Datum Romæ apud S. Petrum, sub Annulo Piscatoris, die x. Aprilis MDCCXIII. Pontificatus Nostri Anno decimotertio.

F. Oliverius.